



სსიპ ბათუმის შოთა რუსთაველის
სახელმწიფო უნივერსიტეტი

31 მარტი, 2025 წ.

ბრძანება N 01-02/59

2024-2025 სასწავლო წლის გაზაფხულის სემესტრისათვის შოთა რუსთაველის
და ტბელ აბუსერიძის სახელობის სტიპენდიების მოსაპოვებლად კონკურსის
გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი
პუნქტის, ბსუ-ს წესდების მე-13 მუხლის, „ბსუ-ს სტიპენდიების დანიშვნისა და
გაცემის წესის დამტკიცების შესახებ“ ბსუ-ს წარმომადგენლობითი საბჭოს 2023 წლის
17 ნოემბრის №07-01/58 გადაწყვეტილების საფუძველზე

ვ ბ რ ძ ა ნ ე ბ:

1. გამოცხადდეს კონკურსი 2024-2025 სასწავლო წლის გაზაფხულის სემესტრისათვის ბსუ-ს საბაკალავრო, „მედიცინის“, სტომატოლოგიის“ ერთსაფეხურიანი, დაწყებითი განათლების მასწავლებლის მომზადების ინტეგრირებული საბაკალავრო - სამაგისტრო საგანმანათლებლო პროგრამების სტუდენტებისათვის შოთა რუსთაველის სტიპენდიის (თვეში 500 ლარი), ხოლო სამაგისტრო საგანმანათლებლო პროგრამების სტუდენტებისათვის - ტბელ აბუსერიძის სახელობის სტიპენდიის (თვეში 500 ლარი) მოსაპოვებლად („შოთა რუსთაველის სახელობის სტიპენდია“ და „ტბელ აბუსერიძის სახელობის სტიპენდია“, თითოეული, ენიშნება ბსუ-ს ფაკულტეტიდან 1 სტუდენტს).
2. შოთა რუსთაველის და ტბელ აბუსერიძის სახელობის სტიპენდიები სემესტრში (მოიცავს 5 თვეს) ყოველთვიურად, თითო სტუდენტზე 500 ლარის ოდენობით, შეიძლება დაენიშნოს ბსუ-ს სტუდენტს, რომელიც აკმაყოფილებს შემდეგ პირობებს:
 - ა) არის ბსუ-ს საბაკალავრო ან „მედიცინის“, სტომატოლოგიის“ ერთსაფეხურიანი საგანმანათლებლო პროგრამის ან დაწყებითი განათლების მასწავლებლის მომზადების ინტეგრირებულ საბაკალავრო - სამაგისტრო და ასევე სამაგისტრო საგანმანათლებლო პროგრამის აქტიური სტატუსის მქონე სტუდენტი (გარდა პირველი სასწავლო წლის და დამატებითი სასწავლო სემესტრის (ვადაგაგრძელებულ) სტუდენტისა);
 - ბ) სტუდენტის სასწავლო ბარათის მიხედვით საგანმანათლებლო პროგრამით გათვალისწინებულ სასწავლო კურსებში (როგორც მირითად ან/და დამატებით, ისე საკუთარი ინიციატივით დარეგისტრირებულ სასწავლო კურსში), მიღებული ქულები, „საშუალო შეწონილი“ ფორმულით აქვს 91 ან მეტი;
 - გ) გამოირჩევა სამეცნიერო აქტივობით (გამოქვეყნებული აქვს სამეცნიერო ნაშრომი შესაბამის სპეციალობაში ან არის სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილე და აქვს მაღალი მიღწევები).

3. კონკურსში მონაწილეობის მიზნით კონკურსანტებმა 2025 წლის 03 აპრილიდან 10 აპრილის 17:00 საათის ჩათვლით, ბსუ-ს სტუდენტური პორტალის საშუალებით („წერილი კანცელარიას”, რექტორის სახელზე) უნდა წარმოადგინონ:
 - ა) სტუდენტის განცხადება კონკურსში მონაწილეობის შესახებ (შედგენილი წინამდებარე ბრძანების დანართი 1-ის შესაბამისად);
 - ბ) პირადობის მოწმობის ასლი;
 - გ) ცნობა სტუდენტის სტატუსისა და აკადემიური მოსწრების შესახებ (სასწავლო ბარათის დამოწმებული ასლი);
 - დ) არანაკლებ ერთი რეკომენდაცია ბსუ-ს აკადემიური თანამდებობის პირისაგან (რომელიც კარგად იცნობს სტუდენტის აკადემიურ აქტივობას);
 - ე) სტუდენტის მიერ გამოქვეყნებული ნაშრომის/პუბლიკაციის დედანი ან დამოწმებული ასლი (ასეთის არსებობის შემთხვევაში);
 - ვ) სამეცნიერო ღონისძიებაში (კონფერენცია, სემინარი, სიმპოზიუმი და სხვ.) მონაწილეობის დამადასტურებელი დიპლომის, სიგელის, სერტიფიკატის და სხვ. ნოტარიულად დამოწმებული ასლი (ასეთის არსებობის შემთხვევაში, დოკუმენტის დედანი მოთხოვნისთავე უნდა წარედგინოს საკონკურსო კომისიას).
4. საკონკურსო კომისიის მიერ საკონკურსო დოკუმენტაცია არ განიხილება (კონკურსანტი არ შეფასდება და მოიხსება კონკურსიდან) შემდეგ შემთხვევებში:
 - ა) თუკი კონკურსანტის მიერ წარმოდგენილი დოკუმენტაცია არასრულყოფილია ან წარმოდგენილია ვადის დარღვევით;
 - ბ) თუკი კონკურსანტის წარმოდგენილი დოკუმენტი არ არის შესაბამისი ფორმის დაცვით შედგენილი (ხელმოწერა, ბეჭედი, ნოტარიული დამოწმება და ა.შ.) ან არ შეესაბამება სინამდვილეს, რაც დასტურდება ბსუ-ში არსებული შესაბამისი მტკიცებულებებით;
 - გ) კონკურსანტს შეჩერებული/შეწყვეტილი აქვს ბსუ-ს სტუდენტის სტატუსი;
 - დ) კონკურსანტი აკადემიური დავალიანების მქონე სტუდენტია (გარდა იმ სტუდენტისა, რომელსაც ბსუ-ს გაცვლითი პროგრამაში მონაწილეობის გამო, დადგენილ ვადაში ასათვისებელი აქვს ბსუ-ს საგანმანათლებლო პროგრამით გათვალისწინებული კრედიტები) ან შესრულებული აქვს შესაბამისი საგანმანათლებლო პროგრამების მოთხოვნები (მიენიჭა შესაბამისი აკადემიური ხარისხი).
 - ე) დამატებითი სასწავლო სემესტრის (ვადაგაგრძელებულ) სტუდენტს;
 - ვ) თუკი შესაბამისი პერიოდისათვის უკვე დანიშნული აქვს ბსუ-ს სამართლებრივი აქტით რომელიმე სახის სტიპენდია.
5. სტიპენდიანტების შესარჩევი კონკურსი ჩატარდეს 2025 წლის 13 აპრილიდან 14 აპრილის ჩათვლით.
6. სტიპენდიების დანიშნვისა და გაცემის შესახებ ბსუ-ს რექტორის ბრძანება გამოიცეს არაუგვიანეს 2025 წლის 15 აპრილისა.
7. წინამდებარე ბრძანების შესახებ ბსუ-ს სტუდენტების ინფორმირება განხორციელდეს ბსუ-ს სტუდენტური პორტალის მეშვეობით.
8. ბრძანება განთავსდეს ბსუ-ს ფაკულტეტების საინფორმაციო დაფებსა და ვებგვერდზე (ველში „კონკურსები“, „ფაკულტეტების სიახლეები“).
9. ბრძანება დაეგზავნოს ბსუ-ს რექტორის მოადგილეებს, ადმინისტრაციის ხელმძღვანელს, ხარისხის უზრუნველყოფის სამსახურს, ფაკულტეტებს, რექტორის აპარატს, სასწავლო პროცესის დეპარტამენტს, სტუდენტთა

კარიერული განვითარების, კულტურისა და სპორტის დეპარტამენტს, საფინანსო-ეკონომიკურ დეპარტამენტს, საინფორმაციო ტექნოლოგიურ სამსახურს, იურიდიულ დეპარტამენტს და საქმისწარმოების სამსახურს (კანცელარია).

10. ბრძანება ამოქმედდეს ხელმოწერისთანავე.
11. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (მის: ქ. ბათუმი, ს. ზუბალაშვილის ქNº30).

ბსუ-ს რექტორი

ტიტე აროშიძე



„2024-2025 სასწავლო წლის გაზაფხულის სემესტრისათვის შოთა რუსთაველის
და ტბელ აბუსერიძის სახელობის სტიპენდიების მოსაპოვებლად კონკურსის

გამოცხადების შესახებ “
ბსუ-ს რექტორის 2025 წლის 31 მარტის N 01-02/59 ბრძანების

ଫାନ୍ଦାରତୀ N1

ბსუ-ს სტუდენტის საკონკურსო განაცხადი

1.	ბსუ-ს სტუდენტის სახელი, გვარი, პირადი ნომერი	
2.	დაბადების თარიღი (რიცხვი, თვე, წელი)	
3.	ფაკულტეტი	
4.	სწავლების საფეხური	
5.	საგანმანათლებლო პროგრამა	
6.	მიმდინარე სასწავლო წელი (კურსი)	
7.	რეგისტრაციის მისამართი	
8.	ფაქტობრივი საცხოვრებელი ადგილი (მისამართი)	
9.	საკონტაქტო ტელეფონი	
10.	საკონტაქტო ელექტრონული ფოსტა	
11.	სხვა ინფორმაცია კონკურსანტის შეხედულებით	

სამეცნიერო ღონისძიებებში მონაწილეობა:

№	წელი	ღონისძიების დასახელება	ღონისძიებაზე კონკურსანტის აქტივობა (მოხსენების სათაური და სხვა)	ღონისძიების ჩატარების ადგილი
1				
2				

პუბლიკაციების რაოდენობა: _____, მათ შორის საერთაშორისო
სამეცნიერო ჟურნალში _____, _____ (ასეთი
ინფორმაციის არსებობის შემთხვევაში).

პუბლიკაციების ჩამონათვალი:

№	პუბლიკაციის დასახელება	გამომცემლობა და გამოცემის წელი	პუბლიკაციის სახე (სტატია და სხვა)	თანაავტორი/ხელმძღვანელი (ასეთის არსებობის შემთხვევაში)
1				
2				

დამატებითი ინფორმაცია (კონკურსანტის შეხედულებით): _____

ვადასტურებ, რომ ჩემ მიერ მოწოდებული ინფორმაცია/დოკუმენტაცია
ნამდვილია და პასუხისმგებელი ვარ მათ სისწორეზე, ამასთანავე თანხმობას
ვაცხადებ:

- ბსუ-მ დაამუშაოს ჩემი პერსონალური მონაცემები (განიხილოს,
განთავსდეს/გასაჯაროვდეს ინფორმაცია ბსუ-ს ვებგვერდზე/სოციალურ
ქსელში ან/და სხვა საინფორმაციო რესურსებზე, კონკურსის შედეგად
გამოვლენილი სტიპენდიანტების თაობაზე); გადაამოწმოს ჩემ მიერ
მოწოდებული ინფორმაციის სიზუსტე/ნამდვილობა;
- შევასრულო სტიპენდიის დანიშვნისა და მიღების წესის მოთხოვნები.

გთხოვთ, განიხილოთ ჩემი საკონკურსო განცხადი და დოკუმენტაცია
სახელობის სტიპენდიის მოსაპოვებელ
კონკურსში მონაწილეობის შესახებ.

(განცხადებლის ხელმოწერა)

განცხადების შევსების
და წარდგენის თარიღი: